

30

25

20

15

10

5



四庫全書  
卷之十七  
朱世椿  
13  
863  
17

四書大金說約合參正解卷之十七

朱世椿  
三十五年二月  
爾遐  
寄

丹陽吳基蓀右彙輯

受業門人尹士傑漢三仝校

毛玉虎聖羽

孟子

梁惠王章句下

凡十  
六章

莊暴章全旨

通章以與民同樂爲主。王之好樂甚，重看同樂。卽甚也。益甚之爲言。非謂古樂之甚于今樂。正謂同樂之甚于獨樂。樂論公私不論。今古能滿其好樂之量，便可。

矣。王先王世俗云乎哉。同樂在仁政上說。非鐘鼓管籥之謂。

莊暴見孟子曰：暴見於王。王語暴以好樂。暴未有以對也。曰：好樂何如？孟子曰：王之好樂甚，則齊國其庶幾乎？

見於之見音現下見於同語

去聲下同。好去聲篇內並同

莊暴齊臣也庶幾近辭也言近於治

參蒙引莊暴見孟子曰暴昔者進見于王王語暴以已之所好在音樂暴以人主好尚宜慎可否未決彼時未有以對也日王好樂何如疑有病于治也孟子曰好樂亦無妨也特患王好之未甚耳王之好樂誠甚而推廣之以盡其量則齊國其庶幾乎治乎

析講暴未有以對也意歸在好樂何如上○好樂甚二十句通篇之意已具而暴不能再問也故他日是于王云云○此節王之好樂甚是泛論道理須暗合同樂意○甚字孟子看得極好不是說耳目玩好之情好得真至就中有不作用處而盡好樂之量斯乃爲甚庶幾只說近治便合可王意

他日見於王曰王嘗語莊子以好樂有諸王變乎色曰寡人非能好先王之樂也直好世俗之樂耳

變色者慚其好之不正也

曰王之好樂甚則齊其庶幾乎今之樂猶古之樂也

今樂世俗之樂古樂先生之樂

參蒙引孟子曰世俗之樂亦何傷王但好樂之甚而充滿其量則齊其庶幾乎不必計樂之今古古樂好之甚固足以治今樂好之甚亦足以治今之樂猶古之樂而何異哉析講此節王之好樂甚是激切告君之詞要得欲動齊王意樂以情言不在聲容上說○今樂猶古樂范氏註但與民同樂之意無古今楊氏亦曰使入疾首蹙額雖奏以咸英韶濩無補于治蓋咸英韶濩古樂也不與民同樂雖古樂而無補則知與民同樂雖今樂亦何害一氏得其旨矣

曰可得聞與曰獨樂樂與人樂樂孰樂曰不若

與人曰與少樂樂與衆樂樂孰樂曰不若

聞與之與平聲樂樂下字音洛孰樂亦音洛

獨樂不若與人與少樂不若與衆亦人之常情也

參蒙引王日所謂好樂甚而齊庶幾者可得聞其說與孟子

先卽常情以引之日獨自作樂以爲樂與人作樂以爲樂

者果孰樂王日獨樂而人不預情何以舒不若與人之爲甚

日與數人作樂以爲樂與衆人作樂以爲樂者又孰樂王

日與少而衆不預情亦未暢固不若與衆之爲甚

析講此以人之常情發其本心之明也與人與衆只就人之

常情言未說到治上去蓋先以常情探之而王旣明于與人

與衆之爲樂則亦不遠于人情而好樂甚的道理由因此易識

而可與言矣○與衆字不是百姓只是多人○項仲昭曰獨

樂二段不是問他全是以發他全心以爲言樂張本○可得

聞與只指好樂甚而齊庶幾不兼問今樂猶古樂意所重不

在此○樂樂鼓樂以爲樂也○存疑與人與衆如何爲好樂

臣請爲王言樂爲去

此以下皆孟子之言也

序曰王知此臣請爲王言樂析講爲王言好樂甚不甚之情○下

一節正言不甚與甚末節是言庶幾

今王鼓樂於此百姓聞王鐘鼓之聲管籥之音舉疾首蹙頰而相告曰吾王之好鼓樂夫何使我至於此極也父子不相見兄弟妻子離散今王田獵

於此百姓聞王車馬之音見羽旄之美舉疾首蹙額而相告曰吾王之好田獵夫何使我至於此極也父子不相見兄弟妻子離散此無他不與民同樂也

蹙子六反頌音遏夫

樂音扶同樂之樂音洛

鐘鼓管籥皆樂器也舉皆也疾首頭痛也蹙聚也頌額也人憂戚則蹙其額極窮也羽旄旗屬不與民同樂謂獨樂其身而不卹其民使之窮困也

參序今王試鼓樂于此王之百姓聞王所奏鐘鼓之聲與夫管籥之音舉皆疾首蹙額而私相告語曰吾王之好鼓樂固然已夫何使我等不得其所至于此極處也以父子則不得不相見以兄弟妻子則皆離散窮苦如此獨不動念乎今王更以好樂之故而田獵于此百姓聞王所馳車馬之音見羽旄飛揚之美舉皆疾首蹙額而私相告語曰吾王之好田獵固然已夫何使我等不得其所至于此極處也父子不得相

見兄弟妻子離散顛連如此獨不屢念乎夫民不樂王之樂如此此無他故蓋由平日獨樂其身而民之窮困有所不恤不與民同樂也此好樂之不甚也

析講至于此極也連下父子二句讀。大全陳氏曰因好樂而及田獵以王亦好田獵故也。趙氏曰樂以鼓爲節周禮

鼓入掌教六鼓以節聲樂。二節孟子不便告以樂之甚先以作樂所應之民情而推其獨樂借樂之效以見甚與不甚正欲其觀民之情而教之以甚也俱是虛設情景非齊主宴事至末節方是勉王○玩中間兩使字是不堪之詞兩庶幾字是欣喜之詞疾首蹙額益飢者勿食勞者勿息之情狀對欣欣有喜色看亦是臨時然也上帶聞字蓋其心原有憂樂之異故聞王之樂而憂樂之容亦隨之○鼓樂邊重田獵只帶言之蓋亦人君所好之樂事也○舉鐘鼓管籥以該八音舉羽旄以該旌旗之屬

今王鼓樂於此百姓聞王鐘鼓之聲管籥之音舉欣欣然有喜色而相告曰吾王庶幾無疾病與何

以能鼓樂也今王田獵於此百姓聞王車馬之音見羽旄之美舉欣欣然有喜色而相告曰吾王庶幾無疾病與何以能田獵也此無他與民同樂也

病與之與平聲同樂之樂音洛

與民同樂者推好樂之心以行仁政使民各得其所也參存疑如今王鼓樂于此百姓聞王鐘鼓之聲管籥之音舉欣欣然有喜悅之色而相告曰吾王邇來庶幾幸無疾病與何其恁地能鼓樂也不但鼓樂爲然今王田獵于此百姓聞王車馬之音見王羽旄之美舉欣欣然有喜悅之色而相告曰吾王邇來庶幾無疾病與何其恁地能田獵也夫民樂王之樂如此此無他故由平日能行仁政推

其樂以及民與民同樂也此好樂之甚也

析講曰庶幾曰何以皆欣幸之詞若如自相問答曰吾王庶幾無疾病與不然何以能鼓樂也如此則是鼓樂而知其無病不見欣幸之意○蒙引註推好樂之心以行仁政蓋與民

樂非與民同鼓樂也○東周皇帝勤勞之主鐘鼓之樂卒歲有幾憂勤太過而疾病生焉小民之所恐也故一聞樂而欣欣曰庶幾無疾病歟

### 今王與百姓同樂則王矣

好樂而能與百姓同之則天下之民歸之矣所謂齊其庶幾者如此范氏曰戰國之時民窮財盡人君獨以南面之樂目奉其身孟子以於救民故因齊王之好樂開導其善心深勸其與民同樂而謂今樂猶古樂其實今樂古樂何可同也但與民同樂之意則無古今之異耳若必欲以禮樂治天下當如孔子之言必用韶舞必放鄭聲蓋孔子之言爲邦之正道孟子之言救時之急務所以不同楊氏曰樂以和爲主使人人聞鐘鼓管絃之音而疾首蹙頊則雖奏以武莊韶濩無補於治也故孟子告齊主以此姑正其本而已

參蒙引夫好樂之公私不同而民之憂喜因之可見君當與民同樂矣今王好樂而卽推好樂之心以行仁政能與百姓同之使得安生樂業則近者悅遠者來而可以王矣好樂甚而齊庶幾又何疑乎安見今樂之不如古樂也

析講此節，總寔落勉。齊王正收好樂甚，二句一則王矣。使是一齊其庶幾，未須補。不必慚今樂非古樂，意方完。與百姓同樂，謂不論其今樂古樂，但不思獨樂平已而必推不若與人與衆之心以行行政，使民心和樂，各得其所，則不特吾國之民無疾首蹙額之客，而有欣欣喜色之告報。天下之民亦皆聞風歸往矣。如此說，方與好樂意有關聯。

齊宣章全旨

通章重與民同之

十句見人君當公利以恤民也，在民猶以爲大何也。句分上是齊王既制度上較

固之大小而與其民下，是孟子就民心上原固之大小而異其君上下相形，要得別誣齊王意。

齊宣王問曰：文王之固方七十里，有諸？孟子對曰：於傳有之。

固音又傳

直戀反

固者蓄育鳥獸之所古者，四時之田皆於農隙以講武事，然不欲馳騁於稼穡場圃之中，故度閒曠之地以爲固。然文王七十里之固，其亦三分天下有其一之後也。與傳謂古書

參序齊宣王問曰：嘗聞文主之固，地方有七十里，有諸？孟子

析講大全張氏曰：意齊欲廣其固，諛俟之徒必有假文王事以逢之者。文主豈崇固哉？此蓋其蒐苗所及，民以爲主之固耳。以芻蕘難得往知其然也。○孟子因齊主問文固，說人于傳有之切勿認真，蓋將鑄就鑄不與抵辨遂借來作話柄以開謬王，引他到公利上去。

曰：若是其大乎？曰：民猶以爲小也。曰：寡人之固方四十里，民猶以爲大何也？曰：文王之固方七十里，芻蕘者往焉，雜免者往焉，與民同之。民以爲小，不亦宜乎？

芻音初

芻草也，堯音饒

參序王曰：文王之固，若是其大乎？目自王視之，若以爲大，當日之民猶以爲小也。王曰：寡人之固，方四十里耳，其小乎？文固也，遠矣。民猶以爲大何也？日文主之固，雖方七十里，然未

嘗以爲已之私也民之欲無以牧養與耗以耕耘者皆往其中以取焉中以取馬民之難以逐禽與兔以逐獸者皆往其中以取焉以七十里之圍而與二國同之則用者多而忘其大臣之以爲小不亦宜乎

析講民以爲小不是嫌他小只是未覺得大蓋若已有之佛其大亦忘之也若說物有限而取無窮是食利了便非王者之民氣象。若是其大平是驚異之詞亦自解之詞蓋齊王因當時之民病其固之大故援文固以自解而先作此驚異口吻也民猶以爲小自便含得與民同之意在內

臣始至於境問國之大禁然後敢入臣聞郊關之内有固方四十里殺其麋鹿者如殺人之罪則是方四十里爲阱於國中民以爲大不亦宜乎

阱者性反

禮入國而問禁國外百里爲郊郊外有

關阱坎地以陷獸者言陷民於死也

參序若王之固有不然者臣始至王之境不敢遽入必先

問國之大禁知所避然後敢入斯時也臣因問禁而聞郊關之內有遊觀之圃方四十里不許百姓出入其中但百姓設有殺其囿中之麇鹿者卽如殺人之罪以百姓抵死則是方四十里乃爲阱坎于國中以陷民于死地民犯之不敢違之不能民之視此固直是陷阱矣而以爲大不亦宜乎王亦法文主而與民同之可也

析講趙注設陷阱者不過丈尺之間今王陷阱乃方四十里○爲阱于國中句最重正與與民同之一句對看○國中二字亦不虛以四十里而爲囿本不大以四十里而爲阱便見其大了况又當國中而爲之乎

齊宣章全旨通章雖分智仁勇合之總是文鄰之道歸重在安天下相安苟仁專恤小而不顧養亂以殘民智專事大而不知自強以立國則仁必貽害于人智必受辱于己反爲不仁不智矣是勇正所以善成其仁智也故舉文武二事証之以文王較密則周大而密小以武王較寛則周小而商大可見古人處大小之間政不必譁勇但要從安天下之心起見耳後段說安天下與前段保天下相應正正是文鄰本關鍵

齊宣王問曰交鄰國有道乎孟子對曰有惟仁者爲能以大事小是故湯事葛文主事昆夷惟智者爲能以小事大故太主事獯鬻句踐事吳

鬻音戰

句音鉤仁人之心寬洪惻怛而無較計斯太小彊弱之私故小國雖或不恭而吾所以字之之心自不能已智者明義理識時勢故大國雖見侵陵而吾所以事之之禮尤不敢廢湯事見後篇文王事見詩大雅太王事見後章所謂狄人卽獯鬻也句踐越主名事見國語史記

參淺說齊宣王問曰交鄰國而使相輔睦果有道乎孟子曰有鄰國于我有大小有順逆惟仁者寬洪惻怛知有理而不知有勢爲能以己之大而無忘鄰之小未嘗忿其不恭而加伐古之人有行之者湯與文主是也是故湯事葛文主事昆夷非以仁而文小國者乎惟智者明敏通達知義理當然又知時勢之不得不然爲能以己之小而敬事中鄰之大未嘗因其侵陵而廢禮古之人有行之者太王句踐是也故太王事

孺鬻句踐事吳非以智而交大國者乎交鄰之道當以此爲法矣

折講仁者惟見理而不見勢智者兼明理勢仁者忘其勢之在己智者順其勢之在人以大事小則以心<sub>之</sub>言以小事大則以禮言○蒙引孟子胸中是先有<sub>之</sub>湯事葛文主事昆夷四句然後說出惟仁者爲能以大事小惟智者爲能以小事大況仁者智者已有所指乎○齊王此問有息爭<sub>之</sub>寧之意小大之國皆鄰也大事小小事大正交鄰也兩惟字亦有意見得鄰以逆施我以逆報此朴好之所以不修而在不仁不智者則爲之也潛室陳氏曰仁者無計較之私忘其孰大而執小智者有度量之明自知小不能敵大○顧驥上曰交鄰之間雖似講信修睦意然湯征葛句踐伐吳文主蹶厥生而昆夷遠遁惟太王避狄遷<sub>之</sub>卒之子孫亦至<sub>之</sub>子王皆是勉之以有爲意大抵交鄰亦是借端不甚狃其所間也如<sub>之</sub>每色每貨而皆引之以同民亦然故後<sub>之</sub>怒安民等亦不甚是分外話

以大事小者樂天者也以小事大者畏天者也

# 樂天者保天下，畏天者保其國

樂音

洛

天者理而已矣。大之字小小之事，皆理之當然也。自然包含理，故曰樂天。不敢違理，故曰畏天。包含偏覆無不周，偏保天下之氣象也。制節謹度，不敢縱逸，保一國之規模也。

參淺說：蓋大事小事，大皆天理之當然也。以大事小者忘其勢之在已，誠心愛人而自然合理。樂天者也。以小事大者順其勢之在人，安分自守而不敢違理。畏天者也。樂天者，其心與天爲一，而包含偏覆無一物之不容。其氣象足以保天下四海，雖大不在吾怙自之中乎。畏天者，其心以天自守而制節謹度，無二十時之敢忽。其規模足以保其國。敵國雖強，在我無可乘之釁。其孰與侮之乎？仁智之效如此。

析講無所勉強之謂樂，有所戒懼之謂畏。樂畏二字已在上文爲能二字內了。此處只點出天字，以顯仁智之妙耳。非深空一層，亦不分優劣。只重二字，高這等包容是樂甚麼？乃樂矢者也。這等敬謹是畏甚麼？乃畏天者也。天者理而已矣。我爲大理，當含容我爲小理，當敬謹。保天下，保其國。是論其理却，帶教驗以啟動時君。

太全胡氏曰：

前節註並此節註

兩自字見樂天意，兩不敢字見畏天意。  
存疑：包含偏覆二句還在樂天內以下，苟制節謹度二句，見得。○註保天下之氣象這句，尚在保天下上。保一國之規模亦然。○保天下之保字是容保，保國的保字是保守。○註理字兼得勢字，亦必用勢字形容理字。○輔氏曰：保天下，言王者之氣象有此效也。非謂仁者之心，欲其如此也。○保天下，保天下之人也。保其國，保一己之國也。說者只在氣象規模上說。虛齋云：當作效說。陳紫峰合二說看，言樂天者有保一國之規模，豈不足以保天下？平畏天者有保一國之氣象，豈不足以保其國乎？得之。○保天下，累承樂天來。樂天累承以大事，小來以大事，都是諸侯事與王者大一統不同也。然大邦畏其力，小邦懷其德，亦寔有保天下處。保國印是寔事。

詩云畏天之威，于時保之。

詩周頌我將之篇，時是也。

參淺說：詩云人能畏天之明威，不敢違道于時，可以保守天下。命而勿失，正畏天者保其國之謂也。而樂天者保天下，從可。

知矣王欲交鄰而以仁智之道自處則

事大事小保國保天下何之不善乎

析講大全陳氏曰引詩丕及樂天一邊亦偶然耳○

饒雙峰曰

天理當然違之則有禍此便是天威了

王曰大哉言矣寡人有疾寡人好勇

言以好勇故不能事大而恤小也

參淺說王曰夫仁智友鄰之道便有以保國保天下大哉夫子之斯言矣然寡人有氣稟之疾惟在好勇若稍見侵慢則忿怒不勝故大不能事而小不能恤也

析講好勇猶言不能忍氣之意

對曰王請無好小勇夫撫劍疾視曰彼惡敢當我哉此匹夫之勇敢一人者也王請大之

夫撫之夫音扶惡平聲

疾視怒目而視也小勇血氣所爲大勇義理所發

令參對曰奸勇無傷王請無好小勇耳夫小勇者激于一朝之忿便按劍在手怒目而視人曰彼惡敢當我哉此匹夫血

析講醒言此段輕敘過王請大之句喚起下三節意非是太  
勇以安天下乃卽安天下上以見勇之大也

詩云王赫斯怒爰整其旅以遏徂莒以篤周祐以  
對于天下此文王之勇也文王一怒而安天下之民

詩大雅皇矣篇赫赫然怒貌爰於也旅衆也遏詩作按止也徂往也莒詩作旅徂旅謂密人侵阮徂共之衆也篤厚也福也對答也以答天下仰望之心也此文王之大勇也

參序吾嘗聞大勇于文王矣詩不云平密人違距王命侵阮徂共王赫然奮怒于是整其師旅以止遏密人徂共之衆以是抑強扶弱而篤厚周家之福使天下大畏小懷以答其仰望之心詩言若此此文王之所以爲勇也文王赫然一怒陰密人一方之亂由是四方寧輯不敢強凌弱

衆暴寡遂以安天下之民其勇何如大也

析講

大全胡氏曰

怒者勇之發也因王赫斯怒

怒字發出

怒安民之說

蓋因其可怒而怒之未嘗有所畔援欹羨也

○醒言以過三句三串下密人侵阮非侵周然侵所不己則滋蔓何窮是天下之憂也此文主之勇只點透勇字下句左見其大○以鶩二句俱承王赫三句來蓋文主爲方伯而密人敢違其命以侵阮則是號令不行非周家之福屏幹不舉失民心之望故赫怒整兵而遏密則有以鶩祐而苦天下也一怒指過密說安天下之民卽所謂對天下蓋遏密則強陵弱衆暴寡之患息而天下之民舉安矣太勇到此句方見出

書曰天降下民作之君作之師惟曰其助上帝寵之四方有罪無罪惟我在天下曷敢有越厥志一人衡行於天下武王恥之此武王之勇也而武王亦一怒而安天下之民

衡與

書周書泰誓之篇也然所引與今書文小異今且依此解之

寵之四方寵與之於四方也有罪者我得而誅之無罪者我得而安之我既在此則天下何敢有過越其心志而作亂者乎衡行謂作亂也孟子釋書意如此而言武王亦大勇也參淺說又嘗徵太勇于武王矣書有曰天降生下民立之君以治之立之師以教之亦惟謂其能輔助上帝所不及以安全斯民故以君師之位而寵與之于四方也上天立君師之意如此今我既受天命作民君師則天下之有罪者我得而誅之無罪者我得而安之天下豈敢有過越其心志而作亂以虐民者乎以此書言觀之則當時設有三人橫行倡亂于天下武王必以爲已之恥而舉兵誅之矣此武王之勇也武王亦一怒而安天下之民勇何大也

析講按前講立我爲之君師我助上帝兩我字俱烟下倒裝法也○天降三句是言天立之惟曰二句是言天立之意有罪惟我在言口得而誅討之也天下曷敢有越厥志言已不無容之也此二句皆承上五句天立之意來一人以下二句是釋書意一人泛就上下說不必指紂而紂亦在其中蓋註無明訓也有罪無罪泛指諸侯言心志謂天下人之心志也人之作亂皆過越其心志之故耳若守其心志則有何作亂

之事乎。武王亦怒。林字從文主來。文武怒安民只從上文看出。不須說開去。

今王亦一怒而安天下之民。民惟恐王之不好勇也。

王若能如文武之爲則天下之民望其一怒以除暴亂而拯已於水火之中。惟恐王之不好勇耳。○此章言人君能懲小忿則能卹大事。大以安鄰國。能養大勇則能除暴。救民以安天下。張敬夫曰：小勇者血氣之怒也。太勇者理義之怒也。血氣之怒不可有。理義之怒不可無。知此則

可以見性情之正而識天理人欲之分矣。

參序夫當今之世爲暴者亦多矣。王誠能效文武之所爲舉太義以征有罪。奮然一怒而安天下之生民。將見天下之民如水火望救。惟恐王之不好勇也。此卽仁者智者義理之用何以勇爲疾哉。至此則將臣天下之諸侯而交鄰不足言矣。析講交鄰文字只是交接之意不必與交友同義。勿太認真爲佳。○按樂天景天節何叔京曰：如葛與昆夷之無道湯文

慇懃而厚恤之。及終不可化而禍及于人。然後不得已而征之。不然。是不仁而縱亂也。如太上一句。處外卑躬而事大內則治其國家。和其民人。終焉或興王業。或刷其耻。不然。是無耻而苟安也。又何取于仁智哉。此已通後。太勇。一截矣。然在下講仁智。時此等議俱不得透露。至透露。則王無好勇之疑而辱孟子。一怒安民之答矣。故雖一一串而仍還。兩截纔妥。○今王亦一怒。亦字從文武來。胡雲峰曰：仁智之勇。是謂太勇。小勇者不仁。不智者也不仁。者徒逞血氣。而于義理之勇。必無之。不智者。不明義理。而于血氣之勇。必有之。

齊宣章全直

此章總見人君嘗同樂于民之意。前三十節。問荅已完。下引景晏之事。是証以齊之件事。欲王納謙。以與民同樂也。樂以天下。一句乃一篇之要領。其關係甚事。在行補助。其打動齊王處。在君臣相悅四字。

齊宣主見孟子於雪宮。王曰：賢者亦有此樂乎。孟子對曰：有人不得則非其上矣。

樂音洛

雪宮離宮名。言人君能與民同樂。則人皆有此樂。不然則下

之不得此樂者必有非其君上之心明人君當與民同樂不可使人有不得者非但當與賢者共之而已也

參大全齊主館孟子于雪宮而就見之王因誇其禮遇之隆曰賢者亦有此安處之樂乎孟子對曰君以此待賢則賢者得有此樂也然非特賢者有此樂凡人皆欲有此樂人有不得其樂則必有非怨其上之心矣是知此樂躉與凡人共之不但當與賢共之也

析講觀集註不但與賢者共之可便見得與梁惠王問賢者亦樂此不同賢者亦樂此指賢君其辭遜賢者亦有此樂指賢人其辭驕○蒙引雪宮之樂在賢者分上原無許多道理可說故孟子只用二十一字有字苔了便罷再不復顧只引向與民同樂上說言人君能與民同樂謂皆有此宮室安居之樂也非謂以雪宮與民共之○按集註云言人君能與民同樂四句八此告人不得則非其上句內之意非以人皆有樂解有字也○輔氏曰離猶別也別在其所居室之外故曰離宮賢者句猶云雪宮寡人時遊以爲樂也賢者至于是邦亦有此樂乎蓋自賢其能待賢也

不得而非其上者非也爲民上而不與民同樂者亦非也

下不安分上不卹民皆非理也

來淺說爲下當安爲下之分不得其樂而非其上者風非也爲君當盡爲君之道獨樂其身而不與民同樂者亦非也

析講大全蔡氏曰用上句以陰助下句不平說

樂民之樂者民亦樂其樂憂民之憂者民亦憂其憂樂以天下憂以天下然而不王者未之有也

樂民之樂而民樂其樂則樂以天下矣  
憂民之憂而民憂其憂則憂以天下矣

參直解夫不與民同樂則有非之之心能與民同樂豈無感

之之效如安居粒食民之樂也人君能看得如自己底樂事

一般爲之所欲與聚而樂民之樂則民之得有其樂者莫不感懷亦必見臺池鳥獸而歡悅聞鐘鼓管籥而色喜而樂其君之樂貧窮無告民之憂也人君能看得如自己底憂事一歲爲之所惡勿施而憂民之憂則民之得去其憂者莫不懷感亦必有事爲之趨有難爲之赴而憂其君之憂樂民之樂而使民亦樂其樂是樂以天下憂民之憂而使民亦憂其憂是憂以天下夫憂樂皆不以己而休戚相通上下無間如此則天下之民皆傾心歸附于我雖欲無王不可得已○

析講說統曰此節根上與民同樂來憂樂低昂說樂民之樂四句言憂樂相通要說得憂樂相關意出樂以天下二句言憂樂大同要摹寫一良渾融和洽的光景然此二句不是晏子一層就在上四句看出兼君民言而以君作主言人君以己為情通于民因使民情通于己是人君憂樂不以己而以天下也蓋民之樂君憂君皆君以之憂樂通天下此全是以太和氣象故謂其可王○麟士曰至此問荅已完以下是客○言樂佛及憂者憂樂相反而寔相關憂民之憂者必不專樂已下樂樂已之樂者必不知憂民之憂惟先憂以天下而後能樂天下也○君視民之樂如己之樂而必欲遂之則民亦視

君之樂如己之樂而相與樂之矣憂民之憂二句做此樂以二句承上起下之詞憂樂通乎天下則民思遠其樂而去其憂者皆歸之故可以決其王矣

昔者齊景公問於晏子曰吾欲觀於轉附朝儻遵海而南放于琅邪吾何脩而可以比於先王觀也

朝音潮

放上聲

晏子齊臣名嬰轉附朝儻皆山名也遵循也放至也琅邪齊東南境上邑名觀遊也

參漢說孟子勸王同樂欲其聽而行之也因舉齊先世引之曰昔者齊景公問于其臣晏子曰省方觀民國之大事吾之意欲觀于轉附朝儻之二山復遵海濱而南至于琅邪之邑但不知吾何所修爲而得比于先主之游觀當時後世皆以爲盛事也

析講此下四節只重先王二字景公原志比先王故晏子備述先主觀而旁及今時之弊隨之以先王無流連云云緊喝

唯君所行正進以法先主也何修丁字正與下  
行字相應。只是引他法古不是要法景公

晏子對曰善哉問也天子適諸侯曰巡狩巡狩者巡所守也諸侯朝於天子曰述職述職者述所職也無非事者春省耕而補不足秋省斂而助不給夏諺曰吾王不遊吾何以休吾王不豫吾何以助一遊一豫爲諸侯度

狩舒救反

述陳也省視也斂收穫也給亦足也夏諺夏時之俗語也豫樂也巡所守巡行諸侯所守之土也述所職陳其所受之職也皆無有無事而空行者而又春秋巡行郊野察民之所不足而補助之故夏諺以爲王者一游一豫皆有恩惠以及民而諸侯皆取法焉不敢無事慢遊以病其民也

參淺說晏子對曰以遊觀之行爲不苟而有志于先主善哉

吾君此間也今以先主言之天子十二年而適乎諸侯之國其名曰巡狩謂之巡狩者巡行諸侯所守之土而察其政事之治與否也諸侯六年而朝于天子之邦其名曰述職謂之述職者自陳其所受之職而試其功積于王廷也以巡狩而行不以述職而行是皆非無事者而又每年當春秋之時循行郊野春則省民之耕其間播種有不足者則發倉廩以補之秋則省民之斂其間收穫有不足者則發倉廩以助之天子省其畿內諸侯省其國中其惓惓爲民之心又如此故夏諺時畿內之諺曰吾王若不行游則誰知吾之不給不足而吾何以蒙上之休美吾王若不豫樂則誰知吾之不足不給而何以蒙上之省助是吾王之一游一豫皆有恩惠及及民而爲四方諸侯之洪慶焉此先主之觀也

析講蒙引巡狩述職又必解曰巡所守述所職何也正以見無非事者言不爲巡所守而行不爲述所職于天子而行是皆非無事者非訓解之詞夏諺只帶省耕省斂不必通賞巡狩述職○太公或問以省耕斂爲游豫曰巡狩述職亦豈遊觀也哉而可以蒼游觀之間故省耕斂亦說得遊豫○省耕斂天子諸侯皆然在巡狩述職之外天子省其畿內諸

侯省其國中○存疑無非事者非字當無字看○醒言度非

真以遊豫著爲令申也雖一遊豫間亦使諸侯見其德意而欽承之耳○以上晏子言先王之法以下言今時之弊○天子二十殷是爲事而遊春省以下是爲民而遊然爲事亦以爲民總先是先王遊觀之善也省耕省斂兼天子諸侯夏謫只是太子畿內之謫蓋晏子引以爲証不拘于諸侯也遊是遊觀豫是豫樂然豫樂不出于遊而休息寔由子助疊言之者歌咏之體也六句皆夏謫○趙氏曰巡所守者自上察下也述所職者自下達上也省耕斂不是巡狩述職時便省民不足不給也天子只是督其畿內至于天下則徂巡狩以考田野之治否而爲之賞罰耳○春時舊穀既沒新穀未升民之乏絕正在此時若有不足則不能盡力于耕一年之計俱失矣秋時民之所收或數十歲之用或不數十歲之用皆在此時若不察知預處則民將有狼狽失所者矣故省而補助之

今也不然師行而糧食飢者弗食勞者弗息明

亡爲諸侯憂

昭古  
縣反

今謂晏子時也師衆也二千五百人爲師春秋傳曰君行師從糧謂糧糒之屬，明眸側目貌胥相也讐謗也懲怨惡也言民不勝其勞而起謗怨也方逆也命王命也若流如水之流無窮極也流連荒亡解見下文諸侯謂附庸之國縣邑之長參蒙引今也諸侯之游觀則不若先王然其無事而遊也君行則有師旅之從師行則有糧食之給非惟供億之煩民寔出之而夫征之擾民寔供之使民之饑者弗得食勞者弗得息賾賾然怒目而視相與讐謗而民厚作懲不勝其怨恨焉蓋天子之命本教諸侯多撫之國之民今乃方逆王命以恣虐下民其飲食之後靡若水之流而無窮極凡如此者或流或連或荒或亡無所不至而爲所屬諸侯之憂焉

析講若水流水流也從流舟流也○太全饒氏曰師行糧食而字在中間見得是兩事也曰爲諸侯度捐先主言爲諸侯憂指時君言○言師行卽斥其衆多亦非間句也○左氏曰君行師從卿行旅從師字當如此認故大註日二千五百人爲師

從流下而忘反謂之流從流上而忘反謂之連

從獸無厭謂之荒樂酒無厭謂之亡

厭平

此釋上文之義也從流下謂放舟隨水而下從流上謂挽舟逆水而上從獸田獵也荒廢樂酒以飲酒爲樂也亡猶失也言廢時失事也

參序流連荒亡何如從流下以遊蕩而忘反謂之流從流上以留戀而忘反謂之連從獸而無厭至于廢時謂之荒樂酒而無廉至于失事謂之亡此今時之弊也

析講蒙引此釋上文之義也是晏子自釋也直至惟君所行也皆述晏子之言至景公說以下則兼述其事○從不訓順乃訓逐也謂逐流而上下奔也從獸之從亦訓逐

先主無流連之樂荒亡之行

行去聲

惟君所行也

言先主之法今時之弊二者惟在君所行耳

參存疑夫先主之遊觀非巡狩則述職非省耕則省斂無流連之樂荒亡之行如今時者二者惟在君之所行也君行先

王無流連云云豈又令君自擇所行乎恭因景公欲比之于先王觀恐其徒托之空言故言先生無流連荒亡臣所爲進先生之道可以爲後世法者至明惟君力行之耳非請擇之說也○此說雖與註稍異却有卓見

景公說大戒於國出舍於郊於是始興發補不足召太師曰爲我作君臣相說之樂蓋徵招角招是也其詩曰畜君何尤畜君者好君也

說音悅篇去聲

樂如字徵陟卑反招與韶同音東六反戒告命也出舍自責以省民也興發發倉廩也太師樂官也君臣已與晏子也樂有五聲三曰角爲民四曰徵爲事招徵樂也其詩徵招角招之詩也尤過也言晏子能竝止其君之欲宜爲君之所无然其心則何過哉孟子釋之以爲臣能畜

止其君之欲，乃是愛其君者也。尹氏曰：君之與民貴賤雖不同然，其心未始有異也。孟子之言可謂深矣。齊王不能推而用之，惜哉！

參紹聞編：景公有感于晏子之言而悅，欣然以今時之弊爲戒，令于國以示更新圖治之意，出舍于郊，示不敢安居深宮，而旦便于省民焉。于是始興發倉廩以補民之不足者，而行晏子之言焉。既乃召太師而命之曰：君臣相得，自古爲難。今我喜得晏子，而聞其言，晏子亦喜得我，而行其志，辭其以此相悅之情，攝之于樂以志一時之盛。其所作之樂，蓋今所傳之徵招角招是也。角音屬民，徵音屬事，君臣以爲民爲事，而相悅故其所作亦爲民爲事之樂，而因舜招在國以美其名。如其樂章之詩有曰：畜君餌，尤益言。晏子能畜止其君之欲，不致招尤，而取罪也。臣竊謂此詩而思之，忠臣之心惟恐其君之有欲，夫畜君者似平逆君而寔愛其君也。既出于愛君，夫何尤哉？王誠聽臣之言，如齊農晏子之相與有成，則能與民同樂，而民豈復有非其上者哉？

○太全陳氏曰：上文引援景公晏子事，寔只末一句，見孟子釋詩意。○麟士曰：引景晏事，大良是望，其納諭意多，然丰意亦重在同民也。按於是始興發，補不足，一講云時止當春耕，故但日補不足，此是景公從前未有事，故曰始人。是如漢說等講兼取不給說，豈一時而耕，與斂並省，又豈景公遂能終歲兩行乎？○晏子所言致得景公說，是臣說，君景公用晏子之言，是君說其臣，故曰相說樂，取招之名，欲繼美都俞之意。畜君者好君，孟子此解以明已之說爲好君，欲王之悅之也。○存疑景公至補不足，是敍景公之事爲我作樂句，是述景公之言，徵招角招何以是說其所作之樂，畜君句是說其樂章，皆是孟子之言末句，又是孟子解詩意。

齊宣章全旨  
此章總見王政當行之意，首二節因其欲毀明堂，而客以行王政第二節，因其欲聞王政，而舉文王之政，以引之，見能法。卒劉本王風民之意，則文王之政可舉矣。  
按明堂是周家明堂，故歷弘周家來說，見周之祖功宗德相傳，無非同民心以出政，此王業所以興而明堂所自來也。王有意于明堂，則亦以此心行此政而已。此孟子導王之本意。

齊宣王問曰人皆謂我毀明堂毀諸已乎

趙氏曰明堂太山明堂周天子東巡守朝諸侯之處漢時遣  
使尚在人欲毀之者蓋以天子不復巡守諸侯又不宿居之  
也王問當毀之長且止乎

參大全齊宣王問曰明堂在齊久矣乘人之言告謂我宜毀  
明堂寡人以問之夫子果當毀之乎抑且止而勿毀乎  
析講齊主意正是欲不毀耳蓋已稱王卽欲行天子之制也

○孫疏魯封內有太山後常爲齊所伐故齊南有太山○禮記明堂位云周制明堂度九丈之筵東西九筵南北七筵堂

崇十一筵五室凡室二十筵○通義金仁山曰周世明堂蓋天子

朝諸侯布政之官也一太殿而爲九宮四方各三門明旁夾

窓其內九室戶牖相通天子巡狩四岳朝諸侯平左右之上下

故太山之下有明堂○顧廣雅日考工記賈疏二十五尺曰凡

六尺曰步七尺曰軌八尺曰尋九尺曰筵東西九筵則是八

丈一大尺南北七筵則是六丈三尺其餘倣此○東西九筵可

容九筵也恐仍以丈尺度之但掌上用筵故度以筵猶室中

用几故度以几耳用車之軌亦必不是以軌度之以軌之長

孟子對曰夫明堂者王者之堂也王欲行王政則勿毀之矣

扶夫音

明堂王者所居以出政令之所也能

行王政則亦可以王矣何必毀哉

參太全孟子不禁他不毀只是教之行王政對曰夫明堂者王者有省方之舉所居以出政令之堂也王欲行王政則足亂王之名雖居此堂而行天子之制可也則勿毀之矣

王曰王政可得聞與對曰昔者文王之治岐也耕者九一仕者世禄關市譏而不征澤梁無禁

罪人不孥老而無妻曰鰥老而無夫曰寡老而無子曰獨幼而無父曰孤此四者天下之窮民而無告者文王發政施仁必先斯四者詩云哿矣富人哀此惄獨

與平聲祭音奴鰥姑頑反哿工可反惄音瓊

岐周之舊國也九一者井田之制也方一里爲十井其田九百畝中畫井字界爲九區一區之中爲田百畝中百畝爲分外八百畝爲私田八家各受私田百畝而同養公田是九分而稅其一也世祿者先王之世仕者之子孫皆教之教之而成材則官之如公足用亦使之不失其祿蓋其先世嘗有功德於民故報之如此忠厚之至也關謂道路之關市謂都邑之市譏察也征稅也關市之吏察異服異言之人而不征商賈之稅也澤謂瀨水梁謂魚梁與民同利不敢禁也孥妻子也惡惡止其身不及妻子也先王養民之政導其妻子使使之養其老而恤其幼不幸而有鰥寡孤獨之人無父母妻子

之養則尤宜憐恤故必以爲先也詩

小雅正月之篇哿可也惄困惄貌

黎蒙引王曰王政可得聞與對曰昔者文王未嘗耕王而所行却是王政其治岐也耕者則都鄙助役鄉遂貢法總于九分中取其一也仕者則念其功德世子孫以祿關道路撙節處市市井則但譏察非類而不加征澤水所都處梁水所通處則同其漁利無禁民取賤人則止及其身不及其妻子是士農工商皆有所養如此至于老而無妻曰鰥夫老而無夫曰寡婦老而無子且獨夫幼而無父曰孤子凡民中惟此四者爲天子至窮困而無處告愬者文王發政施仁凡如上數者固皆一時出令無所不周而于此四窮民尤在尤加意而必先焉詩有云哿矣富人哀此惄獨文王必先四者正以其可哀也所謂王政蓋如此

析講耕者九一取平農者薄也仕者世祿報平土者重世關市畿而不征禦暴而不爲暴也澤梁無禁同利而不專利也罪人不孥惡短也此五句是行其所當務下是重其所先務先是加意于此非先恤窮民而後行十九世祿之法也發政施仁是虛說不指上耕者五句○

大全饒氏曰想富莊兵

荒頻佐窮民無告者多故孟子之言如此。○蒙引云凡民之老幼文主則導其妻子使養其老而恤其幼鰥寡孤獨之人則無父母妻子之養而官養之也按王制縣寡孤獨夫民之窮而無告者皆有常餼蒙引官養之說在此。

王曰善哉言平日王如善之則何爲不行王曰寡人有疾寡人好貨對曰昔者公劉好貨詩云乃積乃倉乃裹饋糧于橐于囊思戢用光弓矢斯張于戈戚揚爰方啟行故居者有積倉行者有裹糧也然後可以爰方啟行王如好貨與百姓同之於王何有餼音侯橐音拓

王自以爲好貨故取民無制而不能行此王政公劉后稷之曾孫也詩大雅公劉之篇積露積也饋乾糧也無底曰橐有

底曰橐皆所以儲饋糧也戢安集也言思安集其人民以光大其國家也戚斧也揚鉞也爰於也啓行言往遷於廟也何有言不難也孟子言公劉之民富足如是是公劉好貨而能推己之心以及民也今王好貨亦能如此則其於王天下也何難之有

參序宣主聞之而嘆美曰善哉夫子王政之言平真先主愛民致王之道也曰聞善貴能行王如善之則何爲不見之行事王日寡人有氣稟之疾寡人好貨未免取民無制不能行此王政孟子曲引之曰好貨何妨于王政乎昔者公劉能行王政之君也亦曾好貨詩有云公劉處西戎之間力行富民之政其民分田有露積乃家有倉廩乃裹其饋糧于橐于囊之中爲遷都計思以戢和其人民而用以光顯其國家而弘與矢斯張也于與戈戚與揚俱備也于是方以啓行而遷都于幽焉由詩言觀之故公劉當遷之時必使民之居者皆有積倉行者皆有裹糧而富足如此也然後可以爰方啟行而立國興業焉莫非公劉好貨而推己以及人民也王如好貨亦如公劉與百姓同之使民皆遂其富足之願焉于王天下也何難之有是好貨既不足爲疾也

析講按此兩節孟子只重在與民同上君處心無毫物我之私故不忍使民貧也而使居者有積倉行者有中橐糧不必因已有是好而始推之與民同也孟子曲誘齊王故因其所好而曲引以告之耳○思戰用光公劉居邠被四戎侵擾民不得安者而國亦以弗振故此時此心思以安定人民而光大其國家也無怨無曠蓋太主避狄全民不至寡人之妻蹶人之夫故如此公劉遷幽遂開主義太王遷岐遂興主義此意亦要點在啓行曠夫下方與王何有相應好貨與民同是制恒產薄稅斂意好色與民同是保全其室家各遂其婚姻意未見既可以王則可以坐明堂而朝諸侯矣何用毀爲○公劉止于積倉裹糧而已他無所謂好貨也太主止于及姜女况積倉乃民之貨非公劉之貨也爰及姜女乃天理人情之當然他無所謂好色也然則亦如論語所謂其爭也君子况積倉太主豈可委其妃而獨行哉然則何好色之有孟子之權詞耳須說得圓滑

王曰寡人有疾寡人好色對曰昔者太王好色

愛厥妃詩云古公亶父來朝走馬率西水滸至干岐下爰及姜女聿來胥宇當是時也內無怨女外無曠夫王如好色與百姓同之於王何有

大音泰○王又言此者好色則心志驩惑用度奢侈而不熊行王政也太王公劉九世孫詩大雅緜之篇也古公大主之本號後乃追尊爲太王也亶父大主名也來朝走馬避秋人之難也率循也許水涯也岐以岐山之下也姜女大主之妃也胥相也定居也曠空也無怨曠者是太主好色而能推己之心以及民也○楊氏曰孟子與人君言皆所以擴充其善心而格其非心不此就事論事若使爲人臣者論事每如此豈不能堯舜其君妾愚謂此篇自首章至此大意皆同蓋鐘鼓苑囿游觀之樂與夫好勇好貨好色之心皆天理之所以天下者聖賢之所以盡其性也縱欲而私於一已者衆人之所以滅其天也二者之間不能以髮而其是非得失之歸

相去遠矣故孟子因時君之間而剖析於幾微之際皆所以  
遏人欲而存天理其法似疏而實密其事似易而實難學者

以身體之則有以識其非曲學附世

之言而知所以克己復禮之端矣

參序王曰寡人非特好貨也寡人又有疾而疾在好色求免  
心惑用後而不能行此王政對曰好色亦無妨昔者太主能  
行王政之君也亦曾好色而鍾愛厥妃詩云古公亶父因狄  
之侵不得已而遷國避難乃來朝走馬寧西河之水渥以至  
于岐山之下是及其妃姜女聿來相與擇室而居當是時  
也大主之民內無怨而無家之女外無曠而無室之夫莫非  
太主好色而推已以及民也王妃好色亦如太王與百姓同  
之使皆無怨曠之嗟焉于王天下也何難之有是好色亦不足  
爲疾也是在王力行王政可耳能推公劉太王同民之心  
既能行文主治岐之政王政行則可

坐明堂而朝諸侯矣何以毀爲哉

析書蒙引好貨好色而推已之心以及民便是橫者九十二云  
云矣○公劉遷幽在平集安定之後故以完積聚爲先太主

遷岐在流離播散之餘故以宗室家爲務上節有兩人有字  
卽所欲與聚今頭下節有兩人無字卽所惡勿施念頭文主  
發政施仁不外乎是○存疑公劉好貨太主好色本詩初無  
此意孟子時就其中看山一个意思來引導其君耳公劉詩  
只從故居者有積倉兩句點出民富足意而公劉好貨能與  
民同之意就在其中太主詩只就內無怨女兩句而太主好  
色與民同之意卽在其中故承之曰王妃好貨好色云云孟  
子于齊主好貨好色都不禁他但勸他同即蓋與民同則好  
貨不自私好色必有節而好貨好色亦衰矣此孟子變化人主之術最爲巧妙

### 王之章全旨

此見人君檣責難于已的意思上是齊主明于責  
入下是齊主昧于處已○體要云四境不治是立  
言本旨首節原情次節議法卽此是四境不治斷案全要摹  
寫下段有心之間無

心之答的情景出來

孟子謂齊宣王曰王之臣有託其妻子於其友  
而之楚遊者比其反也則凍餒其妻子則如之

何王曰棄之

比必  
二反

託寄也比及也棄絕也

參淺說齊宣主不治其國孟子設一事以發之曰王之臣有寄託其妻子之衣食于其友而之楚遊者及其自楚返也則其友凍餒其妻子而不之恤王之臣將何以處其友厥王曰受託而負之非可交之友也以

義裁之當棄絕之而不與友焉

析講託妻子只是望他照管衣食非寄于其家也非是自楚

反彼乃凍餒其妻子蓋反之日始知彼之凍餒其妻子也

曰士師不能治士則如之何王曰已之

士師獄官也其屬有鄉土遂士之官士師皆當治之已罷去也

參淺說曰士師爲獄官之長其下有鄉士遂士之官皆士師之所當治也設若士師不能治其所屬之士使刑殺不當則爲君者當何以處士師耶王曰有官守不能盡其職是爲曠職之官以法論之當罷去之而勿用焉

曰四境之內不治則如之何王顧左右而言他

治去聲○孟子游問此而先設一事以發之及此而王不能答也其憚於自責耻於下問如此不足與有爲可知矣○趙氏曰言君臣上下各勤其任無墮其職乃安其身參淺說孟子因問王曰然則爲一國之君政事廢弛人民困告而四境之內不治此與負託之友曠職之臣何異則將如何以自處也齊主乃顧左右以釋其愧言他事以亂其辭此豈足與友爲哉

折講大金輔氏曰有護疾忌醫之心無責它求言之意。四境之內不治只太舉冷諷也不着齊主身上。饒雙峰曰自

責下問集註自爲他開兩條路當言此則寡人之罪也這便是自責又當言如何便可以治人這便是下問齊王亦無服善之心故顧左右而言他後來因孔距心

之謠則不憚干自責矣然亦耻于下問

所謂萬全旨孟子因齊宣輕干進退人才故發此見故國係乎在慎干用舍刑殺邊帶說戰國人主輕用輕舍甚且輕殺日以其身立于仇讐不測之間無親臣矣安得有世臣又何以能國所以然者只是進時不慎耳如不得已四字通章精神正所謂慎也下數然後字正其不得已處總重在察國論上以見好惡與民同之意親臣世臣合于民之公好親臣正以親民故直說到爲民父母至此則世臣得人民心固結而邦本不搖故國可以長保矣

### 孟子見齊宣王曰所謂故國者非謂有喬木之

謂也有世臣之謂也王無親臣矣昔者所進今日不知其亡也

世臣累世勲舊之臣與國同休戚者也親臣君所親信之臣與君同休戚者也此言喬木世臣皆故國所安者然所以爲故國者則在此而不在彼也昨日所進用之人今日有亡去而不知者則無親臣矣况世臣平參蒙引孟子見齊主曰人君基業相承歷年久遠謂之故國喬木世臣皆所宜有然所以謂故國者非謂其有喬木之謂也喬木不過故國之徵驗可有可無者也以其有世臣之謂也世臣忠貞世篤休戚與同宗社生民寔繼續之此故國所重而人主不可一日無者也然他日之世臣本是今日之親臣今王則輕視臣下無親信之臣矣有昔者所親幸進用而將倚以爲心腹之人至于今日已亡去而王不知者親臣尚無及世臣矣然則齊周安得爲故國乎

折講喬木弘起之語不重世臣非世官乃賢臣而用之久者有字宜着力此等臣全在君心上培養得來親臣是心腹心

而與國家議者。他日爲世臣。卽是此人。今昔二字。描寫一詞。要活看。不知其亡。指宣王輕棄大臣言。全在不知其亡。見無親臣。非定以亡者爲親臣也。昔者。二句足上。無親臣。長意。非但有世臣。足以名故國也。所謂故國。在此。不在彼。卿不稱其力。稱其德之類。凡語古世之遠。槩謂昔者。此乃釋。爲昨。自何與。曰此焰下。今日言也。昨日今日。見率易之意。不知其亡。總見王急易之甚。聲用知者。非真不知也。觀下。第註云。今不以去爲意。可見。

## 王曰。吾何以識其不才。而舍之。

聲

王意以爲。此亡去者皆不才之人。我初不知。而誤用之。故今不以其去爲意耳。因問何以先識其不才。而舍之耶。未存疑。王曰。此亡去者皆不才之人。我初不知。而誤用之。故今不以其去爲意。可從今以後。吾何以預識其人之不才。而舍之。使所用者。皆東方不致。後日之輕棄乎。

## 曰。國君進賢。如不得已。將使卑踰尊。疏踰戚。可

如不得已。言謹之至也。蓋尊尊。親親。禮之常也。然或尊者親者未必賢。則必進踰遠之賢。而用之。是使卑踰尊。疏踰戚。踰。歛。非禮之常。故不可不謹也。

參達說曰。人君用人。與其悔之于後。莫若謹之于始。是以國君之進賢也。遲疑于選舉之際。審之又審。有如吾之初心。本不欲用。而勢之所使。有不得不用者。所以如此。其謹者。果何爲。誠。蓋。自。用。之。而。待。以。不。次。之。位。也。則。謂。之。尊。荷。其。人。則。其。勢。必。易。以。賢。之。異。者。是。使。卑。者。踰。尊。矣。自。用。之。而。寄。以。心。督。之。托。也。則。謂。之。威。故。威。非。其。人。則。其。勢。必。易。以。賢。之。踰。者。是。使。卑。者。踰。尊。踰。或。矣。夫。即。卑。有。等。踰。威。有。序。朝。廷。之。體。亂。不。存。疑。不。得。已。者。皆。猶。豫。留。難。遲。慢。不。急。向。前。曰。如。不。得。已。則。非。真。不。得。已。特。如。之。耳。蓋。這。人。本。是。已。要。用。的。特。以。欲。得。

## 不慎與

興平

真才審之，再三遲慢，第難有似于已。本不欲用，遇干人，不得已而用之者。○ 謂是已，在位而尊親之者，也不但進賢，如不得已退人，亦如不得已，如爲退得當下文殺人，亦如不得已也。總是以慎與民同也。○ 不可勿聽云云者，誠恐其失賢也。正欲其得真賢也。進退相形，非固增一箇退人說也。○ 左右諸大夫之言，至國人而始決。吾之察亦因國人而後施重。國人上節中，未可字勿聽字，然後字察見字全，是嚴竟謹慎意，不可故也。

○ 謂士曰：此節書只照此國君進賢，如不得已，作一截說，可不慎與？作二截說，自明。論是踰越而居尊威之位。○ 言用人而悔之後者，皆由不能慎之。千端耳。故古之以慎始，將使二句正推其當慎之。

故也。進賢卽用之于尊親之列也。

左右皆曰：「賢未可也。」諸大夫皆曰：「賢未可也。」國人皆曰：「賢然。」後察之見賢焉。然後用之。左右皆曰：「不可。」勿聽。諸大夫皆曰：「不可。」勿聽。國人皆曰：「不可。」然後察之見不可焉。然後去之。○ 去上一聲。

○ 左右近臣其言固，未可信。諸大夫之言，方可信矣。然猶恐其蔽於私也。至於國人，則其論公矣。然猶必察之者，蓋人有同俗而爲衆所悅者，亦有特立而爲俗所憎者，故必自察之。而不親見其賢否之實，然後從而用舍之，則於賢皆知之深，任之重。

○ 論曰：「左右皆曰：『賢。』恐涉明黨，未可信也。」諸大夫皆曰：「賢。」恐有賄賂，未可信也。也。諸大夫皆曰：「賢。」恐涉明黨，未可信也。至干國人之公論，皆曰：「賢。」然後從而察之，因言以察其心。考迹以察其寔果。親見其爲賢焉，知之深而無所疑。然後從而用之，舉之尊親之列，任之重，而無可疑。易焉，不可果進。則在退列矣。若左右皆曰：「不可。」勿聽。至國人皆曰：「不可。」用恐或出干私。後從而舍之，所謂知不得已。如此則不賢者必不進。而所進皆賢安有不識其不才而誤用之乎。

○ 析講蒙引：左右皆曰：「不可。」者亦是今日所欲進用之人，不可謂是已。在位而尊親之者，也不但進賢，如不得已退人，亦如不得已，如爲退得當下文殺人，亦如不得已也。總是以慎與民同也。○ 不可勿聽云云者，誠恐其失賢也。正欲其得真賢也。進退相形，非固增一箇退人說也。○ 左右諸大夫之言，至國人而始決。吾之察亦因國人而後施重。國人上節中，未可字勿聽字，然後字察見字全，是嚴竟謹慎意，不可。

忽也。然後二字當醒出重圍人意察之。察其行事之寔與其心術之微練。不外內外之人言中而求其寔跡也。用之是進之于尊親之列去之卽是不進。意皆進賢之初。下有一事也。進退人才。如此自無誤用。不才之患矣。此一節正如一个不得已之寔。陳新安曰。用舍之道。叅之于衆而察之于獨。不賢者。固去之無疑矣。賢者必任之。勿貳。是卽君所親信之臣也。此非親信之以。一己之私。而寔親信之以。國人之公。所謂氏之所好。好之也。今日爲王之親臣。他日託孤寄命。卽爲國家之孽臣矣。

左右皆曰可殺勿聽。諸大夫皆曰可殺勿聽。國人皆曰可殺然後察之。見可殺焉然後殺之。故曰國人殺之也。

此言非獨以此進退人才。至於用刑。亦以此道。蓋所謂天命天討。皆非人君之所得。私也。參序然。是不得已之心。不惟用賢當如是也。雖用刑。亦然。卒

右皆曰可殺。恐其在私忿也。勿聽。諸大夫皆曰可殺。恐其有私忿也。勿聽。至于國人皆曰可殺。則或當于罪矣。然後察之。必真見其可殺焉。然後從而殺之。則其殺之也。不出于一己之私意。而出于衆國人公論。故曰非君孰之而國人殺之也。用刑猶如此。其慎而用。人不益可知乎。

所講存疑。因說用入。帶說刑殺。蓋用舍刑殺。人君大事也。

如此然後可以爲民父母。

傳曰。民之所好。好之。民之所惡。惡之。此之謂民之父母。合參夫人君由用舍至刑殺。惟失于衆論之公。如此。然後民之所好。好之。所惡。惡之。直如父母之于赤子。求中其欲。而不拂其情。豈不可以爲民之父母。吾用公而民心得。民得而邦本。固此。故國之所以可保也。世臣之係于故園。豈淺鮮哉。

折讞按。前說退。不肖亦足。進賢意。則如此。下節不當以命計。平看須把用刑帶在進賢上說。如此。承上二節意。側重進賢。一邊當云。如此。則人之所進。所退。推而至于入之。可殺。所不殺。皆體民心。以行之。豈非好惡。民心者乎。又曰。可以爲

民父母

湯放桀金旨

齊宣主問湯武發問，便有無君之心。孟子以誅宋易弑，字大有扶植綱常之意。亦見得必有湯武之君而後可以行放伐之事。

齊宣主問曰：湯放桀，武王伐紂，有諸？孟子對曰：

於傳有之

傳重

戀反

放置也。書云：成湯放桀于南巢。

參淺說：齊宣王問曰：吾聞湯放桀于南巢，武王伐紂于牧野。

果有此事乎？孟子對曰：「一載。」

湯誓：「一載。」武成：「書傳有之。」

曰：臣弑其君，可乎？

桀紂天子湯武諸侯

參淺說：王曰：桀紂君也。湯武臣也。臣弑其君，可乎？

析講：宣主此問見得弑君之事。湯

武亦嘗爲之便，有藉爲尸寔意。

日賊仁者謂之賊，賊義者謂之殘，殘賊之人謂之一夫。聞誅一夫紂矣，未聞弑君也。

賊害也，殘傷也。害仁者凶，暴淫虐滅絕天理，故謂之賊。害義者顛倒錯亂，傷敗彝倫，故謂之殘。一夫言衆叛親離，不復以爲君也。書曰：獨夫紂，蓋四海歸之，則爲天子；天子天下叛之，則爲獨夫。所以深警齊主，垂戒後世也。○王鮑曰：斯言也，惟在下者。有湯武之仁而在上者，有桀紂之暴，則可不然。是未免承於篡弑之罪也。

合參孟子曰：臣何嘗可弑君哉？顧天之所以立君，民之所以戴君，爲其能盡仁義之道也。若夫賊仁者凶，暴淫虐心滅，不理則謂之賊；賊義者顛倒錯亂，傷敗彝倫，則謂之殘。殘賊之人，天命去而人心離，謂之「一夫」。不得謂之「天下」君。吾聞武王應天順人，誅一夫紂矣，未聞弑君也。果謂之「

君而可弑乎？」知武主之非弑君，則知湯矣。

析講：此泛論湯武之事，非欲宣主爲湯武也。○孫疏：此言桀紂崇惡失其尊名，不得不以君臣論之，欲以深悟宣王垂戒于

後也。觀于武王則湯之伐桀亦猶是耳。是則桀紂之貞絕而非湯武之得已也。○孟子許齊坐明堂而王却不許他放伐。總是行仁政爲重。○真註殘非殘忍。亦殘破之殘。謂彝倫爲他破敗也。

爲自章全旨

通章見人君讓任賢以治國。意兩節相承。看前節不如任木。卽是愛國不如愛五矣。兩意自相叫應。言正愛國。正惕其任賢。蓋舉其所必愛者。以惕之。兩必使字何等珍重。兩姑舍從我何等輕忽。提醒精神全在則何如何以異。一句上。

孟子見齊宣王曰爲巨室則必使工師求大木工師得大木則王喜以爲能勝其任也。匠人斲而小之則王怒以爲不勝其任矣。夫人幼而學之壯而欲行之。王曰姑舍女所學而從我則何

如

勝平聲夫昔扶舍

上聲女育汝下同

巨室大宮也工師匠人之長匠人衆士人也

姑且也言賢人所學者大而王欲小之也

參淺說孟子以齊主不能往賢圖治見而諷之。日治室必以木。王如爲巨室則必使工師求大木。工師得大木則王必喜以爲惟是大木能勝巨室之任也。使匠人誤斲而小之則王必怒以爲不能勝巨室之任矣。任木則欲其大。如此夫人賢者幼而學夫仁義之大道及壯而欲遺時遇主以其所學者見之。子行以致君澤民而吾王則曰姑舍汝所學之仁義而從我所謀之功利。則是賢人所學者大而王顧欲其小之也。夫任木則欲其大。任賢則欲其小。吾不知王果何見而如此析講大全史氏曰言大木則可以勝大屋之任。猶人所學者大則可以勝治國之大任。斷而小則不可以勝大屋之任。猶賢人食其所學則不可以勝國家之大任也。

今有璞玉於此雖萬鎰必使玉人彫琢之至於

治國家則曰姑舍女所學而從我則何以異於

教五人雕琢玉哉

鑑音益

璞玉之在石中者鑑二十兩也五人玉土也不敢自治而付之能者愛之甚也治國家則徇私欲而不任賢是愛國家不如愛玉也○范氏曰古之賢者常患人君不能行其所學而世之庸君亦常患賢者不能從其所好是以君臣相遇自古以爲難孔孟終身而不遇蓋以此耳

合衆夫任賢所以治國也王不任賢則是不愛國家矣今有璞玉於此其所值之價雖僅萬鎰王不敢自信也必使五人雕琢之知已不能而玉人能之也王之愛玉亦甚矣若夫國家之重奚啻萬鎰賢人之能治國奚啻玉之治玉此正宜舍己以任之者也至于治國家則曰姑舍汝之所學而從我之所爲徇中已之私不使賢者得伸其志以過之則何以故而獨異于教五人雕琢玉哉是愛國不如愛玉矣王誠能委任賢人甚庶幾乎

析講麟士曰雖萬鎰俱作少之之詞教平人教字卽使五人

使字何以異怪嘆之詞○教字或作平聲詩文嘗語耳作教誨教字雖諦類亦主此然頗語強不可從○賢人之能治國家猶大木可爲巨室也曰姑舍汝所學而從我則大木而小用之賢人而不賢期之矣治國當付賢人猶萬鎰之五必付五人也曰姑舍汝所學而從我則玉以付玉人而國不付賢人矣兩節反覆而中皆有姑舍句雖在賢愛國若分二意寔連貫如此○萬鎰謂璞玉之價值萬鎰之金也

齊人章全直

此章見取國富順乎民心宣主意在取故先言勿取而後言取孟子意在勿取故先言取之而後言勿取宜主托之天心幽而難知孟子決之人心顯而可據文武二良是應他兩句或謂未節是答他取之何如

齊人伐燕勝之

按史記燕主噲讓國於其相子之而國大亂

齊因伐之燕士卒不戰城門不閉遂大勝燕

序齊人乘燕亂伐燕勝之

析講燕主噲因鹿毛壽之言而讓國于其相子之將軍市神與太子平攻子之不克而反攻太子構難數月而國大亂齊

宜王問曰或謂寡人勿取或謂寡人取之以萬乘之國伐萬乘之國五旬而舉之人力不至於此不取必有天殃取之何如乘夫聲

以伐燕爲宣王事與史記諸書不同已見序說

參淺說宣主寔有利燕之心乃托天意以問曰或謂寡人勿取以爲利不可貪或謂寡人取之以爲機不可失自我揆之夫齊與燕皆萬乘之國以萬乘之國伐萬乘之國勢均力敵未易勝也今僅五旬而舉其成功人力不逮至于此或者其天意欲亡燕以益齊乎天與弗取是逆天也逆天者必有天殃今欲取之

夫子以爲何如

析講取之兼土地人民言齊主本有利燕之心特托

天以遂其私耳孟子之對則不歸之天而歸之人

孟子對曰取之而燕民悅則取之古之人有行之者武主是也取之而燕民不悅則勿取古之人有行之者文主是也

商紂之世文主三分天下有其二以服事殷至武主十三年乃伐紂而有天下張子曰此事間不容髮一日之間天命未絕則是君臣當自命絕則爲獨夫然命之絕否何以知之人情而已諸侯不期而會者八百武主安得而止之哉參淺說孟子對曰天視聽自我民視聽觀民心之向背見天下意之從違設取之而燕民悅欣然歸附是天與主也則惡之古之人有行之者武主是也武主至孟準諸侯不期而會者八百是人心皆已歸周故伐商而有天下取之而燕民不悅猶思戀故主是天不與王也則勿取古之人有行之者文主是也文主三分天下有一其二是人心猶不忘商故終身以服事殷是則燕之可取不可取失之民心足矣

析講

大全朱子曰此亦是齊主欲取燕故引之于文主之道

非謂文王飲取商以商人不悅而止。武主見商人悅已遂取之也。直是論其理如此耳。武主只是應天順人可取而取初非有富天下之心也。文主只是守臣節絕無取商之心。孟子只是因取勿取之說而及之。不得認真慙說。

以萬乘之國伐萬乘之國，簞食壺漿以迎王師。豈有他哉？避水火也。如水益深，如火益熱，亦運而已矣。

簞音丹  
食音嗣

簞竹器食飯也。運轉也。言齊若更爲暴虐，則民將轉而望救於他人矣。○趙氏曰：征伐之道當順民心。民心悅則天意得矣。衆淺說夫欲知天命，固當觀人心而欲得人心，又當施仁政。今以齊萬乘之國伐燕，萬乘之國燕之民乃簞食壺漿以迎之。犒王之師，豈有他故哉？特以燕政暴虐，民如在水火之中，故避之而望救于齊耳。王正宜順民心而以仁政拯之，可也。若使水益加深，火益加熱，暴虐視燕更甚，則民又將轉而望救于他人矣。王豈得而強取之哉？

析蕡蒙引按後一條分曉。是說齊未能得燕民之悅而未有可取之理。其曰：「如水益加深，如火益加熱，蓋已窺見其將事，方是始勝之日也。」如水火此如字是假如之如，非如似之如卽集註若更爲暴虐之若字。麟上曰：楊龜山孟子解，云：「運者反覆運轉之謂也。」豈有他哉？暗見得不是天意而已矣。三字正見民情無可奈何處。分明是說取之而燕民不悅矣。此章見伐國篇。以仁意齊主與孟子謀寢兵，尚欲得燕孟子爲齊主謀寢兵，只是棄燕是動天下，以上咎齊主所以召兵之由，干迷出令以下代他畫止兵之策。

齊人伐燕，取之。諸侯將謀救燕。宣王曰：「諸侯多謀伐寡人者，何以待之？」孟子對曰：「臣聞七十里爲政於天下者，湯是也。未聞以千里畏人者也。」

千里畏人指齊王也

參序齊人伐燕，乘勝遂取之，列國諸侯將謀合兵伐齊，以救燕。

燕宣王恐曰諸侯以寡人取燕爲過多謀來伐者事勢至此將何以設備而預待之庶得寢其兵于未發乎王之間亦畏入甚矣孟子對曰臣聞古之王者有以七十里之小國而代之暴政民爲政于天下而無與敵者成湯是也未聞以二千里之大國而畏人伐也者也王何不以之自反乎

析講蒙引取之不<sub>レ</sub>用孟子之言也諸侯將謀救燕謀已定而兵尚未興也此非真激于恤鄰之義不過下借以爲詞徒之備之也先自失其服<sub>レ</sub>入之機會故不免有畏人之私憂臣聞二句且虛說下

二節謹言之

書曰湯一征自葛始天下信之東面而征西夷怨南面而征北狄怨曰奚爲後我民望之若大旱之望雲霓也歸市者不止耕者不變誅其君而弔其民若時雨降民大悅書曰撫我后后来

### 其蘇

霓五稽反  
撫胡禮从

兩引書皆商書仲虺之諾文也與今書文亦小異丁征初征也天子信之信其志在牧民不爲暴也奚爲後我言湯何爲不先來征我之國也霓虹也雲台則雨虹見則止變動也撫人待也后君也蘇復生也他國之民皆以湯爲我君而待其來使已得蘇息也此言湯之所以七十里而爲政於天下也參淺說以湯爲政于天下言之書曰葛伯無道湯初征則自鳴始而天下已信其志之在于牧民矣由是東面而征則西夷之人怨南面而征則北狄之人怨怨之者皆曰東西南北均一水火中也何爲不先來征我之國也由書此言觀之可見湯所求征之國則民望之異其來又恐其不來若太旱之墮雲霓也及湯既至師行不擾而民晏然安之歸于市者仍不止薪于野者仍不變誅其有罪之君而弔其無罪之民王澤遍及若時雨降于大旱有以慰雲霓之望而民大悅矣書又有日從我后后来其蘇則其悅之至也何如哉

析講蒙引大註雲合則雨虹見則止若望雲者仰其來也若望雲者又疑其不來也應其兩又恐其不雨故只曾望着是

雲是霓耳。○此言湯之所以爲政于天下，處雲霓以上，先引書而後自說。見湯師未征之先，其望之切如此。以下先自說而後引書，見湯師既征之後，其慰民之望如此。明其民指撫恤而言，民之悅湯，本於湯不政之行，有以服天下來，太意重在已。征而慰民之望，一邊不可以已，至未至，平看。○按蔡傳：湯師之未加者，則怨望其來。曰何獨後予其所往？伐者則妻孥相度，曰待我後來。久矣後來，其復生平，明作兩截，故此節斷當于雲霓句。一盡上已舉書文而申言之下，將舉書文而先釋之也。以已之意來說，在書內，又引經二體達說謂，我后二句總証民望，民悅非是一句，只誣民悅又寔民大悅之意也。

今燕虐其民，王往而征之，民以爲將拯已於水火之中也。簞食壺漿以迎王師，若殺其父兄，係累其子弟，毀其宗廟，遷其重器，如之何？其可也。天下固畏齊之彊也。今又倍地而不行仁政，是

## 動天下之兵也

累力  
追反

逐救也，係累縛也，重器寶器也，畏忌也，倍地並燕而增下倍之地也。齊之取燕，若能如湯之征葛，則燕人悅之，而齊可爲政於天下矣。今乃不行仁政，而肆爲殘虐，則無以慰燕民之望而服諸侯之心。是以不免乎以千里而畏入也。合衆今燕無道，暴虐其民，與葛伯無異矣。王興師往伐，以正其罪，亦與征葛無異矣。燕民皆以爲將拯已于水火之中也。是以簞食壺漿以迎王師之來，又何異乎雲霓之望乎？王能如湯之征葛，則燕人悅之，而爲政于天下矣。若使殺害其父兄，係縛其子弟，毀其宗廟，遷其重器，視夫誅君弒民不止，不能變者不大異哉？如之何？甚可爲也。夫齊之強天下固畏之，無以乘耳。今又佛然取燕國，加倍其地，而不行仁政，則在「我」有釁而人得執以爲辭。天下之兵因從此起。是齊寔挑動天下之兵而不免于鬼畏人也。

析講蒙引

麟士

日下

及其

倪內

亦畧

姻兄子弟

反字有味

重聲

此節要見得

與上節湯所行相反，今燕二句與上湯之征

葛無與也民以爲將三旬與上東面而征至華雲覲旬無異也殺其父兄四旬則與誅其君四旬異故曰如之何其可也○若者未事之詞只是不狃師不立君住兵其國據掠老少奪其宗器故孟子數他出令止兵或作已然說恐非不行仁政亦不指平時說只是不誅君弔民而殺父兄之類便是

王速出令反其旄倪止其重器謀於燕衆置君而後去之則猶可及止也

旄與耆同

反還也旄老人也倪小兒也謂所虜略之老小也及止及其未發而止之也○范氏曰孟子事齊梁之君論道德必稱堯舜論征伐則必稱湯武蓋治民不法堯舜則是爲暴行師不法湯武則是爲亂豈謂吾君不能而金所學以猶之哉

參淺說天下之兵已動矣爲今之計王當速出令以曉論國人反其旄倪之已係累者止其重器之未遷者謀于燕臣民之衆擇其賢而當立者置爲燕君而後引兵夫之以示土地人民財貨無所利焉則燕無恙而諸侯不得以收燕爲名

猶可及其兵之未動而此之止待諸

侯之策如是而已否則王知彼何哉

析講陳新安日如此固處畧無利于燕庶幾湯誅君弔民非富天下之爲則可也止諸侯之兵矣○存疑此條爲齊主晝策正答其何以待之之間出令包下三事稍可及二字最重對上速字看緩則不及事矣○饒雙峰曰當時只是子會子之爲亂燕民自無罪齊王只當誅子會予之別立君而王不當取他國如湯十一征不是全滅其國也若

鄒與章全旨

此章見人君當行仁政以順民意上節穆公欲歸罪于民中節示以民怨之故末節示以得民之道論重君一邊緊要在出爾反爾君行仁政而出爾之仁親上死長節反爾之義章內是上皆指有司惟上慢爲下兼君及有司

鄒與魯聞穆公問曰吾有司死者三十三人而民莫之死也誅之則不可勝誅不誅則疾視其

長上之死而不救如之何則可也

聞胡弄反勝平聲長上聲下同

聞鬪聲也穆公鄒君也不可勝誅言人衆不可盡誅也

長上謂有司也民怨其上故疾視其死而不救也

參直解鄒與魯鬪然交兵而戰爲魯所敗鄒穆公問曰今茲之敗吾有司赴敵而死者三十三人而民莫有爲之死者也將誅之則入衆而不可勝誅若不誅則有司民之長上也似此疾怒以視其死而不救惶甚矣不正其罪無以謝有司誅之乎且止乎如之何則可也

析講疾視句言今日不爲後日計○聞不成戰也○莫爲之死言民莫有救有司而爲之死非無一人死于戰也如之何則可言何如處之爲當可使刑不至羣民亦知罪穆公隱然有尤民之意○註民怨乎

其上意在下節勿露乎

孟子對曰凶年飢歲君之民老弱轉乎溝壑壯者散而之四方者幾千人矣而君之倉廩實府

庫充有司莫以告是上慢而盛下也曾子曰戒之戒之出乎爾者反乎爾者也夫民今而後得反之也君無尤焉

幾上尊夫音扶

轉餓餓輒轉而死也充牕也上謂君及有司也尤過也

參淺說孟子對曰夫民之疾視其上者有由然也蓋凶年饑歲君之民老弱者既以餓餓之故輒轉于溝壑之中壯者雖散而之四方以就食者幾千人矣民之死亡困苦如此豈非君與有司所當共恤哉而君倉廩之粟自實府庫之財自充有司竟無一人陳我荒之謨于君而散財發粟以振卹之是君與有司在上暴慢不理而殘虐在下之民也曾子有言曰凡人于世當戒之當戒之其出乎爾者如此反乎爾者即如此也施報益不爽矣夫有司平日疾視民之死而不救民因者反之也一施一報理之常也君無歸罪于民焉

析講節內君之民三字甚冷公只曉得有司是君的不知民

也是君的

麟士曰

莫以告，句甚重，是說與民莫之處之故。

○兩莫字正對，故曰出平爾，反平爾。

體要

此正與上節畧

看穆公左說死者三十三人，孟子便說死者卽歲者幾千人。人穆公左說疾視長上而不救，孟子便說有司莫以告，正是出爾反爾之意。○曾子之言本兼德怨，孟子孔之重恕字一邊。

## 君行仁政斯民親其上死其長矣

君不仁而求富，是以有司知重斂而不知恤民，故君行仁政則有司皆愛其民，而民亦愛之矣。○范氏曰：書曰：民惟邦本，本固邦寧。有倉廩府庫，所以爲民也。豐年則敘之，內一年則散之，卽其饑寒，救其疾苦，是以民親愛其上有危難則赴救之如子弟之衛父兄手足之捍頭目也。穆

公不能反已，猶欲歸罪於民，豈不誤哉？

參序由此觀之，民之所以不救，有司之所以不恤民，而有司之所以不知恤民者，由君之不行仁政耳。君若自反而行愛民之仁政，則有司不敢不以君心爲心，皆愛其民，斯民亦愛有司。當危難之時，無不親其上，死其長。

如子弟之衛父兄矣，豈有疾視不救者哉？

### 滕文章全旨

此章見立國者貴乎自強首節，文公欲事強以保國，懇學

國，依勢之在人下節，孟子欲其自強以保國，懇學之在己與民守之，三句最重，卽下章所爲彊爲善，效死而民弗去者是也。

滕文公問曰：「滕小國也，間於齊楚，事齊乎，事楚乎？」齊平事楚乎？

聲

滕國名

合參滕文公問曰：「滕小國也，間乎齊楚而居乎二大國之間，將兩不事之，則勢孤而難以自免，欲並事之，又力薄而有所不能。今欲擇尤強者而事之，以爲吾全之策。」將裏齊乎，抑事楚乎？夫子爲我決之。

析講事齊事楚是于並事之中歟

釋十九強者加厚之馬得脫而底也

孟子對曰是謀非吾所能及也無已則有一焉鑿斯池也築斯城也與民守之效死而民弗去則是可爲也

無已見前篇一謂一說也效猶致也國君死社稷故致死以安國至於民亦爲之死守而不去則非有以深得其心者不能也○此章言有國者當守義而愛民不可僥倖而苟免參序孟子對曰依乎人以苟安總非可恃是事齊事楚之謀非吾智慮所能及也必欲言之無已則有二道焉滕國雖小有斯池在則鑿之使深也有斯城在則築之使高也地利已可恃矣于是率其民而與同守之設或變故之臨君必效死守國以盡其義而民心固結雖危難亦弗委去此則以我之力人和保吾之地利自強以圖存理之可爲者耳

析講是謀句非自謙短于謀也是言僥倖苟免之策不足言耳無已一說是轉語蓋言無可奈何却有自立之策○鑿池築城守之具也與民守率其民以守也兼君民在內玩一與字可見此帶上句言猶未着力效死而民弗去是變故之時方着力效死指君于效死中見守義之意弗去指民于弗去史見愛民之意○太全陳氏日守義守死社稷之義以倡其民也愛民當在乎平時城池地利也民勿去人和也復致死而守義以倡之此守國之平法也○南軒張氏日鑿池築城與民效死以守是我在所當爲之事爲吾所當爲而已是可爲見除此別無他計與是謀句正相昭應○蒙引嘗疑智者爲能以小事大而保其國今滕文欲事齊楚而孟子乃曰是謀非吾所能及何與蓋以小事大文公自能之不待教也但文公全憑太國之援以僥倖且夕之無事而不知有自固之義故孟子獨以所缺者箴之

滕文章全旨此章見守國者惟爲善可以自信意文公以築薛能爲矣此外只有禦遷國之策故舉太主遷岐之事告之而二節則勉之爲善以自盡也○太全胡氏日前章是守義愛民當盡其在我而不可僥倖其在外此章勉盡爲善當盡其

在我而不可僥幸其在天

滕文公問曰齊人將築薛吾甚恐知之何則可

薛國名近滕齊取其地而城之故文公以其偏已而恐也  
參趙注滕文公問曰滕與薛同處齊之西境今齊人併得薛  
將築其城以逼于滕則滕之勢益孤而齊之侵陵益迫吾甚  
恐其不免如之何則可也  
析譜薛任姓之國奚仲仲虺之後

孟子對曰昔者大王居邠狄人侵之去之岐山

之下居焉非擇而取之不得已也

邠與幽同

邠地名言太主非以岐下爲善擇取而居之也詳見下章  
參序孟子對曰敵國外患從古有之昔者太王居邠狄人每  
侵擾之而力不能禦乃去之岐山之下建都邑而居焉斯其  
時非謂邠地不如岐山之善謂可以興起主業據擇而取之  
乃迫于狄人之難不得已而遷國以圖存耳  
析譜括不待已二字便見遷非有國之常法彙解據後來

太王遷岐以開王業便似擇而取之其寔是不得已○此章  
引太王事重在要他勿太主爲善不重在要他遷國蓋滕無  
凡遷之地也且此節只庄事正意仍在下節

苟爲善後世子孫必有王者矣君子創業垂統  
爲可繼也若夫成功則天也君如彼何哉彊爲  
善而已矣

彊上聲夫音抉

創造統緒也言能爲善則如太王雖失其地而其後世遂有  
天下乎天理也然君子造基業於前而垂統緒於後但能不  
失其正令後世可繼續而行耳若夫成功則豈可以必乎彼齊  
也君之力旣無如之何則但墮於爲善使其所繼而俟命於  
天耳○此章言人君但當竭力於  
其所當爲不可徼幸於其所難必  
參趙注至平後來周家興王則太主爲善之所致耳使爲君  
者寔能修德行仁如太主爲善卽不王于其身後世子孫必  
有王者若周家矣然爲善得報理之自然而修德望報非君

予之本心也。君者，凡事創基業于前而垂統緒于後，只爲所當爲，令後世可繼續而行耳。若夫成興王之勢，則天助之也，豈可以必乎？今齊強，勝弱，勢固不敵。君之力能如彼齊，何哉？但當勉強爲善法。太主之所爲盡其在我，以遺後世而已。蓋爲善，以固人心，乃圖存之要策。毋僥倖于所難必可也。

析講蒙引苟爲善，是不爲養人害人之慘，而廣爲積功累仁之圖。創業節創此爲善之業也。以此垂之于後，卽謂之統。唯繼爲此善，可傳三時。可傳後世，要看爲字。只是爲此，更不必念及成功。此處太主遷岐之事，見得遷非易事。卽賢如太主，亦不得已而遷耳。後來興王却由千修德行，仁可見，在德不在陰。正死可守，德可備，意未二句，甚重。滕文法太主強爲善耳。苟爲善三句，據理如此。若夫成功句，又見大必不負。爲善之人，若如彼何哉？卽太主不得已，意強爲善，因國小而強爲善，有許多難處。故下二强字，不但恐其不用力也。而已矣。三字見盡我本分修我實事原非教以遷國也。朕不比太主時有所遷之處，正以斷文公饒傍一念，引他一心爲善，以自守耳。爲善指德政言，非謂遷國不爭爲善也。爲善必有王。雖爲太王遷狄而言，玩苟爲必有語氣，則是慨說觀註。

### 滕文章全旨

高能爲善，則如太王云「立可見」。太主與王意上節，非擇而取內已。有之創業，垂統，泛言不指遷國。圖存言也有次第。謂之業爲之，自謂之創，傳之，干後謂之統。繼在後人使之。可繼在我也。創業一句應爲善說。若夫成功句，應子孫必有王說。

此章見《人君當審經權之宜，在如之何》句。

上是文公求自安之策中二節。孟子告以遷國固存之權，守正後死之經。末一

節，欲其擇而取之，重守邊。

滕文公問曰：「滕小國也，竭力以事大國，則不得免焉。如之何？」則可。孟子對曰：「昔者大王居邠，狄人侵之事，之以皮幣，不得免焉。事之以犬馬，不得免焉。事之以珠玉，不得免焉。乃屬其耆老而告之曰：「狄人之所欲者，吾土地也。吾聞之也。君子不以其所

以養人者害入二三子何患乎無君我將去之去

邪踰梁山邑于岐山之下居焉邠人曰仁人也不

可失也從之者如歸市

屬音燭

皮謂虎豹麋鹿之皮也幣帛也屬會集也土地本生物以養入今爭地而殺人是以其所以養人者害人也邑作邑也歸市入衆而爭先也

參漢說滕文公問曰滕小國也竭力以事齊楚之大國則不得免其侵伐焉如之何則可是文公益欲于遷守之外求所以自全之策也孟子對曰昔者太王居邠狄人時侵陵之初事之以皮幣意其欲我財帛也不得免焉再事之以犬馬意其欲我奇獸也不得免焉又事之以珠玉意其欲我寶玩也不得免焉太王乃統屬其國之耆老而告之曰狄人之所欲者非皮幣犬馬珠玉也乃吾土地也夫土地本生物以養人若爭地以戰則殺人盈野是反以害人吾聞之也君子愛民爲心不忍以其所以養人者害人而吾豈獨忍之乎

何患乎無君我將去之而不死于難則汝輩皆有君矣于是去邪踰梁山作邑于岐山之下居焉但見邠人皆曰吾君平日愛養吾民恩德及人深矣厚仁人也不可失也于是從之以遷于岐山之下妃歸市焉古

人迫于難而遷國以圖存如此

析講按何患無君此講大一是舊講似委之狄人一般驅吾赤子以饜虎狼豈仁人之心乎猶云「十三子莫謂居此土有君離此土便無君以爲憂患」我將去之大卜家共圖安樂處也太王實始剪商是何如主切勿講作亡國惜別之象○仁人也就平自言方見感人有素意不必兼今自言失猶舍也○東陽許氏曰太王當時地近戎狄昔間隙之地非封國之疆界故太王得優游遷徙若遷在中國久界二太國之間無可以遷之地民雖或從之亦無所往孟子特舉太王之得民以警文公耳故下文言效死乃其正也

或曰世守也非身之所能爲也效死勿去

又言或謂土地乃先人所受而世守之者非已所能專但當效死守之不可舍去此國君死社稷之常法傳所謂國滅君

死之正也。正謂此也。

參淺說武者又曰土地乃受之先人傳之子孫而世世守之者非吾身所能專也設有患難但賞效死守之國存與存國亡與亡不可舍之而他往也此守正以徇國者又如此

## 君請擇於斯二者

能如太主則避之不能則謹守常法。蓋遷國以圖存者權也。守正而俟死者義也。審已力擇而處之可也。○楊氏曰孟子之於文公始告之以效死而已禮之正也至其甚恐則以太主之事告之非得已也然無太主之德而去則民或不從而遂至於亡則又不若效死之爲愈故又請擇於斯二者又曰孟子所論自世俗觀之則可謂無謀矣然理之可爲者不過如此舍此則必爲儀秦之爲矣凡事求可功求成取必於智謀之末而不循天理之正者非聖賢之道也。

參序蓋遷者權也守者義也。君請審已之力觀勢之便擇于斯二者能如太主則避之不能則謹守常法可也外此則非吾所能及也。

折講大全輔氏日在文公惟有此一法故并舉以告之夫太

王之去非文公所能爲然則孟子之意固欲文公勉其當然也

## 平公章全旨

此章見君子出處在天不在人故孟子以天命自任者則在天也平公將見魯將用孟子行道之機也孟子庶宰者則在人未節因有所告而歸諸天行藏在我用合在人而主宰者則在天也平公將見魯將用孟子行道之機也孟子庶則臧倉憂故以踰喪之說進孟子不用則樂克憂故以貧富之說進然樂克不求勝臧倉則天也○通章以天字作主全以天字壓倒嬖人

魯平公將出嬖人臧倉者請曰他日君出則必命有司所之今乘輿已駕矣有司未知所之敢請公曰將見孟子曰何哉君所爲輕身以先於匹夫者以爲賢乎禮義由賢者出而孟子之後

喪踰前喪君無見焉公曰諾

乘去聲

乘輿君車也駕駕馬也孟子前喪父後喪

母踰過也言其厚母薄父也諾應辭也

參淺說樂正子仕於魯稱孟子之賢于平公一日孟子至魯平公將往見之嬖人臧倉者知之而故請曰人君一出一入甚不輕也他日凡君出則必命有司以所之今乘輿已駕矣有司尚未知所之敢請公曰將往見孟子倉沮之曰君子于乘之主也孟子一匹夫而已何哉君所爲輕身之貴以先加禮于匹夫之賤無乃以孟子爲賢乎使其誠賢則倉聞賢者之人之所以品節人事裁制人情使其厚薄一致者皆禮義也則禮義由賢者出而孟子之後喪母厚過于前喪父之禮厚母薄父是不知所謂禮義則不得爲賢者

君何輕身往見哉公曰諾遂不往見焉

析講玩將字便有猶豫意所由開倖人窺伺之門而倉倅爲不知以請而究其所往也禮義所包者廣但倉所謂禮義只是就品節一事裁制人情上見耳

是就品節一事裁制人情上見耳

是就品節一事裁制人情上見耳

樂正子入見曰君奚爲不見孟軻也曰或告寡人曰孟子之後喪踰前喪是以不往見也曰何哉君所謂踰者前以士後以大夫前以三鼎而後以五鼎與曰否謂棺槨衣衾之美也曰非所謂踰也貧富不同也

入見之見音現與平聲

樂正子孟子弟子也仕於魯三鼎士祭禮五鼎大夫祭禮參淺說樂正子乃入見平公曰君向也欲見孟軻今奚爲中止而不見孟軻也公曰始吾欲見孟子爲其賢也今有或告寡人曰孟子之後喪踰前喪夫父母一體今乃厚母薄父違禮義之中未得爲賢是以不往見也曰何哉君之所謂踰者豈謂前以士之禮喪父後以大夫之禮祭則三鼎所以爲厚與爲士爲大夫喪禮各有分制賢者固不得而爲也曰此言否也

寡人謂其棺槨衣衾之美，人人得以自盡。非士與大夫所得拘而孟子後喪其美過乎？前喪之不盡美也。曰：非可以此之故謂之踰而譏之也。蓋其時平喪父則爲士而貧也。貧則無財不可以爲悅時乎喪母則爲大夫而富也。富則不以天下儉其親喪具厚薄稱家有無是皆出于禮義。

之當然非賢者不能得其宜也。君何惑焉！  
析講以土一句且虛下三鼎五鼎乃其寔也。四句俱是祭禮然非問詞亦欲折倒平公也。貧富不同有云使時皆貧而獨有厚于母使時皆富而獨有薄于父這便舛踰數語挑剔踰字極明白。○何哉君所謂踰言君所謂後喪踰前喪者指何事也。○饒雙峰曰五鼎是大夫之禮羊豕魚腊膾三鼎是士之禮特豕魚腊。○腊獸之乾者膾羊肉也。

樂正子見孟子曰：克告於君，君爲來見也。嬖人有臧倉者，沮君，君是以不果來也。曰：行或使之止，或尼之行止，非人所能也。吾之不遇魯侯，天

也臧氏之子焉能使予不遇哉。

爲去聲沮慈呂反尼女乙反焉於虔反。  
克樂正子名沮尼皆止之意也。言人之行必有人使之者其止必有入尼之者。然之所以行所以止則固有天命而非此人所能使亦非此人所能尼也。然則我之不遇豈臧倉之所能爲哉。○此章諱聖賢之出處關時運之盛衰乃天命之所爲非人力之可及。

叅凌說樂正子見孟子曰：克前以夫子之賢告于君，君已爲來見夫子也。嬖人有臧倉者爲毀言以沮君，君是以不果來也。小人之害正如此曰：凡人之遇主而行或有人厲棱而使之者其不遇而止或有入沮抑而尼之者然其人之行止寔非人之所能爲使能爲尼也。天爲之也。今我之不得遇魯侯以行吾道，予時數當衰天之末，欲平治天下也。彼臧氏之子一嬖人耳焉能使予不遇哉。吾子與子安之而已。于倉又何責耶。

析講朱公遷曰：此章論出處而以天命失之聖賢蓋以天命曉人天以定分言此亦在夫之天雖以理言而寔兼平氣者也。凡所謂不怨天與此類同。○蒙引此天字以氣數言。○樂

正子之言，未免有尤人之意。故孟子援天以曉之，全得孔子告景伯家法，使字合稱道意。尼字合，要誣意。行止，卽當出處字。看在賢者身上說，遇字有君臣契合而吾道得行之意。非止見也。○按全行或句對，克告于君二句說止。或句對，夢人丁句說行止句暗合天字。

孟子卷之二

早稻田大学図書館

011888004132